



**Warhaftige Zeitung auss Ungern, was sich vom dritten  
November zwischen, Röm. Kays. May. Kriegsvolck, und den  
Türcken biss auff den Dreyszsigisten gemeltes Monats,  
begeben und zugetragen : auch von Eroberung zweier Stett  
nemlich Sabatsha und Villach, sambt vier gewaltigen  
Schlössern unnd uber die hondert Dörffen von den Unserigen  
eingenohmen, die Türcken uber die 20. Meil zurück  
geschlagen**

<https://hdl.handle.net/1874/9125>

# Warhafftige Zeitüg

auff Ungern/was sich vom dritten Nouember zwis-  
schen/Röm: Kay: May: Krigsvolck /vnd den  
Türcken biß auff den Dreißsigsten gemeltes Monats/  
begeben vnd Zugetragen.

Auch

Von eroberüg zweier Stett/nemlich Sabatsha  
vnd Villach/sambt vier gewaltigen Schlößern vnd  
vber die Hundert Dörffern/von den Unserigen  
Eingenohmen/die Türcken vber die 20.  
Meil zurück Geschlagen.



1593,

# Zeitung auß Ungern/

Wie es mit der Belegerung der Stat Sul Wisen-  
burg/ vnd des Bassa von Ofen niderlag ergangen/  
samt der Eroberung/ Von den vnfigern/ die Statt Bil-  
lach/ Schloß vnd Bestung/ vnd was sich zugetragen/  
Vom 3. Nouember/ biß auff den 30. Nouember.

1593.

**N** Vnser Krugesvolck/ sich vñ Sul  
Weissenburg Angenomen/ die selbge  
Statt belegert/ haben sie Die Erste  
Vorstat/ welche sie gar starck beuesti-  
get befunden/ vñ den ersten Sturm  
dauor verlohren/ de andern Sturm  
mit Gottes hülff eingenomen/ die selb geblunderdt/ vñ  
Wñ sie sich nicht genugsam versehen befunden/ haben  
sie widerum abziehen wollen/ in dem komet zeitung/  
der Bassa von Ofen sene mit XII. Tegen vñ andern  
ansehnlichen Türcken/ vnd einer Grossen anzall kri-  
ges Volck/ in die 15000. Thausend/ zu Rosß vnd fuß/  
nur zwo meill von Weissenburg/ in meinüg die Stat  
zu soccorieren/ zuentsetzen vnd zu prouiantiren/ Also  
haben die vnser/ mit gemeinem Raht Beschlossen/  
Dem Feindt vnder die augen zu ziehen/ vnd mit ihme  
zutreffen/ haben sy zu den iij. Nouember Vngeser-  
lich omb X. vhr auff ebenem Felde/ in der schlacht or-  
denung

denung angetroffen/in Gottes namen vff sie gesch/vñ  
Ritterlich angegriffen/haben mir sie mit Der hülffe  
des allmechtigen in die flucht geschlagen/ den ganze  
hauffen zu trendt/ vnd also der Türcken/des Meiste  
Theils Janitscharn/auff der walstatt/ober die 7000  
Tausendt todt gebliben/ Janischaren Aga/sambt sei  
nem Haubtfahnen bekommen/Zwey Vnnd dreissig  
Stück Grobgeschutz/Sunff hondert Wagen mit pro  
uiandt/Dreihondert Ochsen vñnd etliche Hundert  
schaff erobert.

In diesem jß angezeigen treffen/haben sich Der  
Herr Graff von Hardeck/als General Obrister/wie  
auch der Herr Nadasit/Herr Balsy/der Graff von  
Serin/ vnd ander Herren mehr Vñnd dem Türcken  
nach gefatz/auffdren melle weges/vñnd ihr vil erlegget  
in der flucht/das jr in die 12000. Todt gebliebt/in der  
Schlacht vñnd nach Zagen.

So seyn bey obfiehender Schlacht/ hernach be  
nante Beegē gewest/aber noch nicht wissendt/welche  
daruon Komen/oder nicht/Nemlich der Bassa von  
Ofen selbst/dessen Sebel man befunden) Beeg Von  
Gran/Schansack Beeg von Stulweissenburg/Al  
ley Beeg von Pest/Schanschack Beeg von Serin  
Schansack Beeg von Billig/Beeg von Mohatsch/  
Beeg Von Capon/ Beeg Von Hattuan/der von  
Somockh/ vñnd der von Nagardt.

Der

Der Herz Graff von Hardeck/ vnser Feldoberster/  
ist in ein schenckel verwundt worden/ in dem Schar-  
mützel/ vnder dessen haben die Türcken Stulweissers  
burg/ die vorstadt in Brandt gestack.

## Barhafftige

Vnd eigentliche zeitung auß Vngern/ was sich vom  
dritten Nouembris/ zwischen Rom: Keyß: Magt:  
Kriegs Volck/ vnd dem Türcken/ bis auff  
Den 30. gemeltes Monats be-  
geben vnd zugetragen.

**N**ach dem der Herz von Teuffenberg/ Als Feld-  
Oberster d; starcke vñ feste Schloß Sabatha/  
hartiglich belagert vñ auff scheissen lassen/ Als  
aber/ diereil die Türcken solchs nit auffgeben wol-  
len/ am Xij. Monats Nouembris Dasselb Schloß  
Angefangen hertiglich zu beschissen/ vñ mit solcher ge-  
walt angegriffen d; sie es in kurtz sturmender Handt  
erobert vnd eingenommen/ In Dieser Belagerung/  
Sturm vnd einemung/ sein Bey die etliche Tau-  
sendt Türcken erleget worden.

Nach diesem nun/ als die Unserigen am Xviii.  
vnd XX. gemeltes Monats Still gelegen vnd geraf-  
tet/ hat der von Teuffenberg/ das Leger vorttahn/  
Auff

Auff die gewaltige Statt vmb Fesung Villach geschickt/ vnd als nun daselbst das Lager sich Nieder geschlagen/ haben sie am XXj. die Stat angefangen ernstlich zubeschiessen/ Den XXij. seindt Etliche 1000 Türcken von allen Grenzen zusammen Kommen/ auff ij. Meile Weges/ Villach zu Entsetzen/ diß Ort do dem Türcken viel an gelegen ist gewesen/ Also Haben die vnserigen einen Hauffe bey 5000. Pferde ein ausschus gemacht/ sie onder die Türcken geschickt/ sie im Ersten treffen geschlagen/ vñ zersirewet/ Aber Gleich wol v. oder 6000. vmbkommen/ der Türcken wer keiner zusagen daruan komen/ wan es an einem geräumen ort wer gewesen/ aber der Grosse Walde daran/ vnd der enge wegh/ haben mit mehr wollen Verrichten lassen/ Ir gantzes le. er/ gezelt/ vnd wasß sie gehabt/ auch ober 200. Wagen/ Prouiant/ etliche Stuck geschütz/ ist alles in Vnser Hände kommen.

Eben den selbigen tag ist der Herr Palsi auch ober 6000. starck zu dem herzn von Teuffenberg geflossen/ den 23. Nouember hat man Villach hart beschossen/ vnd gesturmet Den 24. Ditto hat man Villach Von den vnsern mit gewalde eingenomen/ vnd eins theils Verbrent/ Den 25. hat man das erste Schloß so vest ist/ starck beschossen/ vnd den 26. mit Sturm erobert/ Den selbigen tag angefangen/ das oberste vñ starcke Schloß zubeschiessen/ Den 27. haben es die Türck

en im der Contion Ubergaben/das sie mit weib vnd  
Kinde/vnd was sie mit inen tragen kondten mögen/  
sein Vber 800. man in selben Schloß gewessen/ Die  
sein also mit Weib vñ Kinde/vnd was sie vnder arm  
ertragen konten/ abgezogen/das veste Schloß Von  
der Befung eingenohmen/gute Peut darinen fündē/  
ein Statlichen vorrat von geschütz/ Munition vñnd  
Prouandt als den vnßigern zum besten/so balde die  
Türcken in dem Schloß vnd vestungen Diun/ vñnd  
Samoscky/ solches vernomen/ haben sie Von sich  
selbst/ beyde heusser verlassē/ Die vnsern also ahn sch  
weren freidt/darein gezogen/ Die selbe Woll Prou  
antirt/gut geschütz/Puluer vñ Munition woll verse  
hen gefunden/haben/mir die selben Befung/auch die  
Statt Villach wal besetzt/vnd habens nun Mehr  
Gott lob die Christen innen.

Auff den 30. hat man das Heer/ weiter für ein  
Namhaftig hauff/genandt Setsckuj rücken lassen/  
verhoffen auch gewißlich dasselb/vnd auch Plauswen  
sein ein zunemen/ man hat schon etliche Hundert  
Dörffer mit diessen Heusern vff vnser seiten Bracht/  
vnd Gewonnen/Dardurch dan auch der Röm: Kay:  
May: Bergstett/von dem Erbfeindt entledigt vñnd  
Befreiet worden/auch in die XX. meil weges Landt  
vñ Leudt widerü gewonnen/der feindtzuckt gewichē.

Dem allmechtigen sey lob/ehr vñ preis gesagt / der  
für

für seine hoch gedrengte Christenheit Streittet/ der  
geb weitters seinen Göttlichen segen Amen.

Zu Constantinopoli/ leß der Türckiß Keyser/ ein  
gewaltige Armada zu richten/ auff den Künsttigen  
Sommer auff das grausamste zu wasser vnd zu Ländt/  
die Christen zu verfolgen.

Denn der Türckische Sultan/ von Wegen seiner  
Schwester Son/ welcher bey Ziseck/ Vnd seine beste  
Kriegesleudt etliche Tausendt vmb komen/ sehr betrü  
bet vnd erg rñmet sey/ so habe sich auch gemelde seine  
Schwester weynendt/ vnd mit brennendem Feser/  
auff dem Haupt vor ihm erzengt/ damit sie ihn desto  
hefftiger zur Raach ires abgeleitben Sohns wider  
die Christen bewegen möchte. was weitter  
erfolgen wirdt/ die zeit bringen.

Gedruckt zu Cöln/durch  
Niclaus Schreiber.



a 1868902

